



ADEGA e o Concello de Porto do Son acordaron asinar un convenio de Custodia do territorio, onde as dúas partes se compromenten a levar adiante iniciativas de custodia litoral no ámbito do concello. Entre as actividades que se enmarcan dentro deste convenio está unha **xornada de voluntariado ambiental “Conservando as nosas dunas”**

que se desenvolverá nas lagoas de Xuño e Muro o xoves

19 de xullo

, centrada na eliminación de especies exóticas invasoras.

A Fundación Biodiversidad seleccionou esta propostas por ADEGA no marco da iniciativa Playas, voluntariado y custodia del territorio, xunto con outras 30 actividades en todo o estado.

A custodia do territorio é un crecente movemento que implica á sociedade e faina partícipe dun proxecto de conservación, promovendo un uso responsable dos seus recursos. É froito dun traballo conxunto de numerosas persoas de diferentes colectivos, que teñen un obxectivo común: a conservación do territorio, e neste caso a conservación do patrimonio litoral.

ADEGA ven desenvolvendo varios proxectos no concello de Porto do Son dende o ano 2011, con apoio da Fundación Biodiversidad e do propio Concello, para a divulgación e acción contra as exóticas invasoras nos espazos naturais deste concello da península do Barbanza. Porto do Son conta no seu territorio co LIC Complexo Húmido de Corrubedo e varios humidais inventariados, que destacan polo seu importante valor ecolóxico. As dúas partes están dacordo en poñer en valor estes paraxes, e desenvolver actividades que axuden ao seu coñecemento e conservación.

O acordo de custodia non terá unha cuantía económica asignada, aínda así o concello



poderá financiar algunhas actuacións na medida das súas posibilidades, e ADEGA pola súa parte tentaráa cadar fondos para o desenvolvemento de actividades de carácter ambiental.

ADEGA e o Concello fixo público este Acordo de Custodia Litoral nunha rolda de prensa no concello de Porto do Son o martes día 17 de xullo no centro de interpretación dos Castros de Baroña.